



Corporaziun evangelica Sent

Radunanza generala da la Corporaziun evangelica e radunanza da preventiv, ils 3 october 2021 in baselgia

Preschaints: 12 commembers / ras

Cussagl da baselgia: Aita Dermont-Stupan, Duri Fried, Barbla Buchli

S-chiüsats: Fina Zanetti, Monika Wilhelm, Nesa Caviezel Roner, Anna Barbla Buchli

Tractandas:

1. Salüd
2. Tscherna dombravuschs
3. Protocol radunanza generala dals 18-04-21
4. Rapport dal cussagl da baselgia
5. Preventiv 2022 e pè d'imposta
6. Tschernas
7. Orientaziuns
8. Varia

1. Salüd

Aita das-cha salüdar a 12 commembers e commembras a la radunanza generala d'ingon e quai aint il cor da nossa baselgia San Lurench davo il cult divin cun Monika Wilhelm. Ella ingrazcha a tuot ils preschaints per la cumparsa.

2. Tscherna dombravuschs

Olga Hänny vain propuonüda ed eir eletta.

3. Protocol radunanza generala dals 18-04-2021

Il protocol vain prelet (da la secretaria Selina Bisaz) ed approvà unanimamaing.

4. Rapport dal cussagl da baselgia

Barbla prelegia il rapport dad ün mez on (da marz fin october).

Causa Corona nu's haja pudü chantar als cults divins da Venderdi Sonch e Pasqua, la Soncha Tschaina es gnüd'annullada, quai eir a Tschinquaisma.

Als 6 gïin esa stat Confirmaziun, 4 giuvens e 2 giuvnas sun uossa commembers e commembras majorens da nossa raspada.

La catecheta Seraina Guler ha organisà il chomp da Confirmaziun pels confirmands dal 2022. La Confirmaziun ha lö ils 12 gïin 2022 cul ravaraneda Stephan Bösiger.

La stà esa stat divers battaisems.

Per la fin d'avuost ha Fina organisà ün giantar cumüinaivel. Ils 12 october es il prossem.

La Sonch'Anna, l'affrais-ch Anna Selbdritt, chi'd es stat fin dal 1958 vi dal müir, qua davant es eir stat tema. Il museum d'Engiadina Bassa nun aintra illa dumonda che far cul affrais-ch.

Per la piazza da ravarenda daja duos interessents, la documentaziun es a Cuaira ed il tema gnarà trattà prosmamaing.

Il ravarenda Martin Pernet va davent da Sent. Il consistori ha ingrazchà pels servezzans.

Ils servezzans d'orgel restan sco fin uossa pro Esther, Peder e Leta. Leta Mosca resta la respunsabla per l'orgel. Anita Bass, la caluostra, es adüina preschainta pels cults divins. I dà pel solit duos cults divins al mais.

Daspö avuost abita la famiglia Feuz illa Chasa Pravenda ed els stan fin prümvavaira. Els ingrazchan per la pussibilità.

Il cussagl da baselgia ingrazcha a la catecheta Seraina, a la culuostra Anita, a Leta, Peder ed Esther chi fan il servezzan d'orgel per tuot l'ingaschamaint ed eir a tuots tanter dad els.

Il rapport vain acceptà e la versiun detagliada es allegada a quist protocol.

5. Preventiv 2022 e pè d'imposta

Aita ingrazcha a Barbla chi infuormescha davart las cifras. Il rendaquint es in tudais-ch quist on. El vain allegà a quist protocol. Causa chi dà ün nouv plan da contos cha la baselgia chantunala prescriva nun es ün congual bain pussibel.

Il prüim bloc «administraziun ed autoritats» ha ün total da Sfr. 17'400. Barbla ha provà da considerar co chi'd es stat scumparti fin uossa in oters contos.

Il seguond bloc «chiura d'orma e cults divins» muossa ün total da Sfr. 93700.--. Qua esa gnü büdschetà co scha Sent vess ün ravarenda.

Ils cuosts total da Sfr. 32'000.— per l'instrucziun da religiun s'haja pudü surtour.

Per la Confirmaziun sun büdschetats Sfr 5000.—.

Ils cuosts da baselgia e da chasa pravenda as referischan a la situaziun da fin uossa.

Il conto nouv nomnà «s-chala nouva» muossa ün import da Sfr. 45'000.--. Per pudair nüzziar l'abitaziun sura da la chasa pravenda faja dabsögn dad üna s-chala. Duri Fried infuormescha davart la situaziun: El ha laschè far a Seraina Felix offertas per duos variantas. Sco manzunà i'l protocol da l'ultima radunanza nu vegn in dumonda la varianta cun üna passarella. La seguonda varianta, chi'd es gnüda trattada plü detaglià, es cun üna s-chala chi vain da l'entrada da la Chasa pravenda suotvart. La s-chala gniss fatta in betun süil sunteri vegl, per entrar l'abitaziun sura. Là es eir ün local per sezzüdas dal consistori e cha Seraina douvra per predgina eui. La problematica es la lavina da naiv gio dal tet da la baselgia. Al mumaint as po ir sü e tras chasa pravenda ma a lunga vista nun es quai pussibel. Surtuot daraja cuosts dad almain Sfr. 45'000.— per quella lavur.

Las entradas d'imposta vegnan calculadas cun Sfr. 150'000.--, quai as referischa als ultims ons.

In tuot daja ün minus da Sfr. 65'000.—chi's preschainta a la baselgia chantunala.

Christian Hänny disch ch'el chatta buna l'idea dad üna s-chala, ma dumonda schi's haja eir considerà üna varianta in fier? Quai lascha tras la naiv, detta main da rumir e saja plü simpel. Pro'l betun fetscha dabsögn da spalar l'inviern. Duri ha eir gnü quell'idea ed ha discus insembel cun Seraina e la cumischiun da fabrica da cumiin. Els han decis per la varianta cun betun causa l'estetica. Seraina s'ha decissa per betun, eir causa la sgürezza. Duri disch ch'el manzuna amo üna jada la varianta in fier, eir cul aspet da la sgürezza.

Anna Barbla Buchli dumonda quant pertschient cha la piazza da Seraina Guler saja. Seraina respuonda e Barbla disch chi saja s-chars 25 % cun 7 lecziuns annualas. Anna Barbla Buchli manaja cha Seraina lavura bler, scha quai nu saja üna discrepanza? Seraina respuonda chi saja bun per ella uschè. Ella fetscha eir jent la lavur. Las lecziuns per preparands e confirmands vegnan indemnissadas supplementarmaing. Seraina rimplazza qua il ravarenda chi manca a Sent.

Il preventiv ed il pè d'impostas da 20.5% vegnan approvats unanimamaing.

Il preventiv vain allegà a quist protocol.

6. Tschernas

Aita infuormescha cha Fina Zanetti finischa sia lavur i'l consistori. Il cumgià vain fat in ün oter rom causa cha Fina nu po ouramai esser preschainta a la radunanza. Uschè es il consistori da Sent in tschercha da novas commembras o novs commembers. Al mumaint nun han els ingiün. Fina haja gnü il ressort dad organisar giantars per seniors eui. Aita ed il consistori füssan grats per propositas da la vart da la raspada. Al mumaint sun 3 commembers i'l consistori, insè as drovessa 5 persunas. Il consistori vess plaschair dad avair gliעד üplü giuvna chi s'annunzcha.

Chatrina Ritzmann organisescha arrandschamaints per seniors per la Pro Senectute. Ella füss pronta da far eir ün o l'oter giantar cumünaivel. La Pro Senectute e la baselgia pudessan collavurar, causa chi sun ils listess seniors e senioras. Aita ingrazcha per la proposta. Chatrina nun es però pronta da far part in suprastanza.

Aita manzuna cha la grupp da duonnas chi va a visitar ils commembers pels cumplions dad 80 insü. Quai sun Lidia Domenig, Ursina Ganzoni e Chatrina Ritzmann.

7. Orientaziuns

Aita manzuna novas annunzchas per la piazza da ravarenda. Duos ravarendas sun interessats. I's tratta da bunas annunzchas ed al mumaint s'esa vi dal evaluar la documainta. Il consistori invidarà amo a discuors. Aita spera chi's possa eleger in ün mez on (a la prosma radunanza).

Aita infuormescha cha prosmamaing saja instradà il nouv viadi da Confirmands per quels chi vegnan confirmats 2022. Ella ingrazcha a Seraina.

Duri infuormescha davart las sfessas in baselgia. El es gnü insembel cun Seraina per evaluar la situaziun. Els han tscherchà la via sur ün indschegner, ma intant nu sun els amo uschè inavant. Ün'opziun es da far sü puncts cun gess, uschè as po verer scha'ls mürs o ils sfess van ourdglioter. Üna tala marcaziun in alb saja fingià. Id es eir la dumonda che influenza cha las temperaturas han.

Sün dumonda manzuna Albert Mayer cha avant ca. 30 ons daiva ün idrant chi ha plü probabel procurà pels dons. Per Albert es il proceder da inauorden. Qualchiin cun experienza stess tour suot ögl la situaziun per evitar dons implü. Duri disch chi's pudess eir masürar oura precis ma quai dà gronds cuosts e nu maina bler dapli.

Duri infuormescha cha la Corporaziun es in possess da la garascha suot il sunteri vegl, uossa cha La Chasa Veglia es vendüda es quai eir ün pass per no. Il consistori ha tut pro ils contrats e less tgnair la garascha co ch'ella es. Subit chi's sa dapli po Duri orientar.

8. Varia

Aita nun ha ingüins commentars suot varia e dumonda als preschaints.

Sün dumonda dad Esther Reinalter a regard il deficit declera Barbla cha quel vain surtut da la baselgia chantunala.

Christian Hänny ingrazcha per tuot la lavur cha tuots praistan pro la baselgia e manzuna cha hozindi nu saja quai plü uschè cler. Chi nu saja il trend dad ir in baselgia. Ed i saja üna gronda lavur. Quai vain quittà cun ün applaus. Aita es d'accord e manaja cha impustüt eir sainza ravarenda saja greiv.

Anna Barbla manzuna cha aint il protocol saja manzunà üna collavuraziun cun Scuol. Barbla disch cha causa cha'l ravarenda da Scuol ha desdit sia piazza s'haja sisti la sezzüida. Aita manaja chi saja important dad avair ravarendas e cha quels as sfadian dad üna collavuraziun. I dependa bler dad els. Ils consistoris da Scuol e Sent sun averts per collavuraziun. La lavur da la secretaria Selina per las corporaziuns funcziuna e vain considerà sco collavuraziun. Barbla manzuna la nouva regiun chi s'ha fuormada. Il priim pass as faja culs Confirmands. I dà ün di dals Confirmands da tuot la regiun Engiadina Bassa – Val Müstair. Seraina infuormescha.

Seraina pensa chi's pudess tscherchar insembel üna soluziun, eir sch'ella inclegia la situaziun. Ün barat d'ideas es organisà per l'Advent, uschè l'infuormaziun da Barbla.

Seraina infuormescha ch'ella fetscha la scolaziun per dvantar predichanta laica, uschè ch'ella po in avegnir eir far cults divins ed oter.

Aita giavüscha amo üna bella dumengia a tuots.

La radunanza vain serrada a las 12.00

In buna fai la secretaria

Selina Bisaz